

84(2Рос=Крми)-44
Н 58

Юлия Нефедова

Луннебӧг




Библиотека молодых

84(2Рос = Коми) - 2
Н 58

Юлия Нефедова

Луннебӧг



Издательство
Союза писателей Республики Коми

Сыктывкар
2011

Редакционная коллегия
«Библиотеки молодых»:

*Елена Козлова (председатель),
Галина Бутырева,
Валерий Вьюхин,
Михаил Елькин,
Нина Куратова,
Надежда Мирошниченко,
Алексей Попов,
Андрей Попов,
Александр Суворов,
Александр Ульянов.*

Луннебӱг

Кымын во нин коли, а ме пыр на шы-
ӱдчывла тэ дорӱ, дона, медся матысса
ӱртӱй! Вылысь и вылысь лыддя лист
бокъястӱ. ӱд тэ, менам луннебӱг, нэм кеж-
лам колян медся бур ӱртӱн, кодлы ме пов-
тӱг верма восьтны ассъым став гусяторйӱс.

Быд лист боклӱн аслас ру, аслас кӱр.
Со татчӱ веськавлӱма зэр, и шыпасъясыс
танӱ быттӱӱ кылалысь йи: и ыджыд, и
ичӱт, а тайӱ то кольӱма орчча шыпасъыс,
а тайӱ мӱдарӱ – вевсӱн каӱма. Татчӱ
дзевсӱмаӱс медся шог кадыс, нор да
жугыль сӱлӱмкылӱмъясӱй. Быд шыпас,
быд кывтэчас, быд сӱрникузя тайӱ лист
бокъясас гусӱника бӱрдӱ, шогалӱ. И
налӱн курыд синваыс медводдза зэр моз
ловзӱдӱ бӱрӱ кольӱм жугыль казтылӱ-
мъясӱс. А сӱйӱ кадся руд кымӱр нэм кежлӱ
ӱшйӱма татчӱ, пыр зэрӱ и зэрӱ, быттӱӱ кӱс-
йӱ мыськыны став няйтсӱ, лӱксӱ, югзӱд-
ны сӱӱкыд мӱвпъясӱс...

А водзӱ некымын еджыд лист бок. Танӱ
шустӱм кӱдзыд. Кылан, тшыг кӱин моз
омлялӱ вой тӱв. Турӱбалӱ. И став кывйыс
пужъялӱма кӱдзыдысла. Тайӱ менам кын-
мӱм сӱлӱмлӱн серъясыс. И выль пӱв
казтылӱгад йирмӱг босытӱ...

А тайӱ некымын лист бокус турунвиж
рӱма. Сэсянь ӱвтыштӱ шоньдӱн, мелӱлу-

нөн, олөмөн... Абу, тані абу ни өти кыв. Серпасавлыссьөма сөмын муртса на воссьысь корсө пуяслысь да сьод кымөръяс костод кыйясьысь шонді югөр. И быд кор лолалө тулысөн, а шонді дзирд небзьөдө сьөлөмөс, лолөс...

А медбөръя гижөм лист боклөн сотчыштөмаось пельөсьясыс. Татчө коркө инмөдчылөмаось дзирдалысь шонділөн зарни югөръясыс, шуда луныс да радейтчөмөн өзйысь сьөлөмөй... Тайө лист бокъяссө пыр лыддывла чөла, өд тані ичөт кага моз чөскыда узьө менам шудлун. Пыр надзөникөн восьлала сьөлөмлы меддона казътылөмъясті, медым нөшта өтчыдысь юрсянь да кок улөдз сунсьывны сійө шуда здукъясас...

Пыр выльысь и выльысь лыддя луннебөгөс... Дона ёрт, видз менам сьөлөмлысь пасъяссө, лёк синмысь видз!

Быд кыв тані сотыштө сьөлөмтө,
Быд казътылөм вөрзьөдө лов.
Мый колө, тан ставсө нин пасйөма,
И вунодны мыйкө ог пов...

Черань вез

Со керка пельöсö черань кыö ассьыс вез... Тайö сылөн олöмыс, медшөр могыс. Чераньлөн кодь жö и менам олöмö. Мыйкö лун и вой нокся-кыа ассьым олан везйöс. И друг кодкö гөликөн кызди тай парсни-таг вöчөмтортö...

И тэ шог синъясөн, усьöm лолөн кор-сян ас пытшсьыд медбөръя вынъяс да выльысь заводитан кыны аслад олөмлысь везтö...

Радейтчөм

Кор муслунлөн небыдик төвруыс ло-лыштас тэлань, сэк синмыд здукөн тырас лыа бусөн, и тэ дугдан аддзыны олөмлысь збыльторсö...

И сөмын уна шог синва кисьтөм бөрын гөгөрвоан да аддзан ассьыд шыбөльястö, олөмлысь веськыд туйсö, но вежны мый-кö — сёр нин....

Öшиньын серъяс

Пукала öшинь дорын... Мөвпъясöй кольмөм бобув моз лэбалöны то öтарö, то мөдарö... Ыджыд олөмыд төдтөм кар кодь, петнысö сэтчö неуна польшта. Код төдас, мый менö сэнi виччысьö?..

Позис кө эськө водзвыв лыддыны ассьым олан туйöс. Ме эськө пырысьтөм-пыр ставсö и төдмалi: кызди да мый, но кысь нö сийöс лыддян? Кутшөм небöгысь, а гашкө, ки пыдöс вылысь?.. А со öшиньын кынмөмаöсь серъяс. Шондi югөр улын мичаа и дзирдалöны... Гашкө, тайö кынмөм серпасыс и лоö менам олан туйөн? Олөмыд öд миян öти ыджыд серпас, и артмö сийö серпасторъясысь. Быд морт сэтчö пунктö пас.

То найö, менам ловлөн ордымъясыс, ныр улын, а лыддынысö ог сяммы. Гөгөрвоö тайö серъяссö сөмын сийö, кодi везйөд-лис найöс öшиньö. А кысь корсян сийö мортсö, ловсö ли... А гашкө, оз и ков некөдöс корсьны. Оз и ков зильны водзвыв төдмавны ассьыд олөмтö. Воас кад, да ставсö гөгөрвоан-аддзан. А öнi меным кольö сөмын видзөдны да нимкодьясьны аслам олөмлөн серъясөн да аттьöавны серпасалысьсö...

Зэрöма зарниөн

Гожöмнас, водз асылö сувтан, петан ывлаö: м-м-м... Юрыд бергöдчö сынö-дыслөн сöстöмлун вöснаыс, пельясад ворсöдчö лэбачлөн да чирклөн сьылöм. Видзöдлан му вылö, а сэнi быд турун сi вылын медводдза шондi югөр инмöмысь дзирдалö лысваыс. Быттьö зарниөн войнас зэрöма!..

Арын став муыс юрсяньыс да кок улöдзыс вöйöма зарниö! Туруныс, пуясыс, шоръясыс да юясыс, весиг енэжыс дзирдалö! Кымын мортлөн озырмывлö тайö кадö сьөлöмыс!.. Кымын гижöд чужтöдлис да чужтас на Енмөн да вөр-ваён козьналöм мичыс!..

Тöлын шондиa луно петав ывлаö! Зарни шебрасөн муыс вевттьысьöма.

Тулыснас, кор гөгөр ставыс ловзьö-чужö, позьö-ö лоны гöльөн? Став тайö мичлунсö апалöмыс öзтö мортлысь сьөлöмсö, а сылөн синъясысь казялан шуд.

Сийö мортыс, кодi оз аддзы вөр-валысь да мортлысь пытшкөсса мичсö, көть кымын сьöм зептас оз видз, век кольö гöльөн!

Ок, ляпкавы тай пондөма От гөрайд...
Баддыс да вöрыс дзикöдз лязіс. Регыд,
зэв регыд бөр вөрөн тырас Отйыд. Вöрысь
артмыліс да вөрө и пөрө.

А кытчö вошöмаöсь сійö гажа лунъя-
сыс, шуда кадыс, кор гөрд кумач моз öзйис
тані олöмыс?.. Вошöма ставыс.

Туйясыс жугласьöмаöсь, потласьö-
маöсь, кыдзи и мукöд сиктса йöзлөн олөм-
ныс. Со шонді муртса на чеччис, а Ульö
Паш туй вомөнөн нин шалсйö орчча кер-
каö, винала. Дзикöдз лэдзчысис гöтыр
кулөм бöрас. А кутшөм ыджыд овмөс вöлі!
Ставсö энөвтис. Керкаас со лун и вой тöвру
ветлө, ёнджыка кө пöлыштас, выліас и
киссяс. Мужик морт, а винаыд со кипод-
туя морттö и китöммöдіс и синтöммöдіс,
вежöрсö бергöдіс и...

Ляпкалөма, дзикöдз ляпкалөма От
гөрайд... Йöзыс воысь воö пыр чинö,
сöмын верстьö да пöрысь йöз олөны. Том
войтыртö öткөн-öткөн и аддзывлан, ставөн
карö мунöны, татчö некод оз кольччы. А
кытчö кольччан?.. Прамөй удж ни сьом
абу. А водзсö тöv и гожөм, тувсов лэбачь-
яс моз, сьыліс-гажөдчис том войтырыд.
Да, буракö, аръявылыс чукөрөн и лэбө-
ма, разөдчөма ылі карьясö... Öні сöмын

овтём важ керкаяс и чурвидзёны туй бокъясын, ружтёны-дзуртёны, гажтёмалёны гажа олёмысь...

А водзынсё сы мында йёз вёлі тані, о-о-о!.. А гажёдчисны кызди... Ыджыд клуб дорын вёлі чукёртчасны и том, и пёрысь, и челядь: сьылёны, йёктёны... А өні?.. Разисны пес вылё клубсё да весиг инсё эз весавны. Сідзи баддён да ёгөн и тыри... А Гу йёрын сцена вёлі... Быд гожся праздник сьылісны-гажёдчисны сэні йёзыс, орча сиктъясысь войтыр весиг волывліс. А өні?.. Сьывны лои некодлы, сценаыс сідзи и сісьмис. Кызд пуяс еджыд колоннаяс моз мичмөдісны тайё местасё, пёрласисны, а воддза гожёмнас чардби чашнитіс медбөръя мича пашкыр кыздсё...

Ляпкавны тай со От гёрайд пондёма. А ськөд өттшөтш и Эжва юыс косьмө. Пөдтө сійөс карса няйтыс. А важөн кага синва кодь сөстём вёлі ваыс. Став чериыс и ва улыс ки пыдөс вылын моз тыдаліс. А өні?.. Со ывла вылын кызь вит сайё градус көдзыд, а Эжва шөрас рыыс оз и кынмывлы. Няйтсё лэдзасны, да сук ру сөмын петө, енэжөдз кайө... И кажитчө, быттьө тайё кулём Эжвалөн лолыс кыпөдчө Ен дорө... Да корө прөща сылысь ми вөсна...

Юдорса ичөтик кыз пу сунласис ваө...

Бабөлөн казтылөм

Вөлі 1942 во, йирым төлысь 12-өд лун...

Ме киссьөм купайкаа сулала ю дорын.
Видзөда ва вылө, виччыся, гашкө, воас
на Өдөття тьөтө, босьтас менө ас дорас...

Гөгөр увгіс төв. Юдорса ичөтик кыз
пу сунласис ваө. Ог төд мыйла, но меным
зэв жаль лои сійөс. Ме матыстчи да пыки
кызд пусө: мед көть ён төв вөснаыс оз жө
чег, татшөм мича да... Өти пу и быдмис ю
дорас, Көсьтө садитлөма. Сійө тані пере-
возчикөн уджалө, со неыджыд землянка
сылөн жө, оз и ветлы гортас, пыр тані...

Ывлаас заводитіс войтасьны, и менам
синмысь тшөтш гусьөникөн киссисны ва
тусьяс... Пыр ёнджыка и ёнджыка төвзис.
Кызд пулөн нэриник росьясыс топөдісны
менө... Ме куни синмөс и здук кежлө ме-
ным кажитчис, мый оз кызд пу кын росъ-
яснас вачкыв меным, а мамө мелі кияс-
нас ас дінас топөдлө...

— Мый, кынмин? — другысь шыасис
Көсьтө.

Ме здукөн палялі чөскыд унмысь, чөв
олі. Ёна эськө кынми да, но вочавидзны
эг лысьт...

– Лок, пось чай юам...

Ме нөшта на топөдчылі кыз пу дорө, а сэсса котөрти землянкаө. Сэни вөлі шонид... Пельөсас куйліс ас карөм акань. Көсьтөлөн өд куим ныв. Öтиыс эськө ыджыд нин да. Сійө и видзө ичөтджыкъяссө, мамыс өд тифыс кувсьыліс... Менам татшөмсяма жө акань вөлі...

Миянлысь семьянымөс кулачитлөмаөсь, мамө висьтавліс, став овмөссө пө босьтісны. Мөс оз пө вөлі пет, да Опонь гөтыр локтөма – гөрд көсынkaa коммунистка – да час сайө мөссө гидсьыс йөтлөлөма. А батьөс төв шөрын дас кык час войын көмтөгыс нуөдөмаөсь, мамө көмсө, вөлөмкө, мыччө, а Педьө Сан шуө: өна нин дзуртін крамөвөй сапөгнад, көмтөгыд мунан... Сэсянь эг и аддзывлөй батьөс...

Мамө, мамө, мый нө водзө мекөд лоө?.. Тэ со Човйын пукалан, өти обрат чекушкаысь... Галина чөйөй куліс, вөрын уджалігас, мыр вылө пуксьөма шөйччыштны, а чеччынысө абу нин вермөма...

Өтнам ме коли... Кызди тайө кыз пуыс ю дорас, сідзи и ме чегъяся, гашкө, чорыд арся төврусьыс...

– Öдөтья тьөтыд тай көсйис на волыны, да мыйкө эз лок, – чай юигөн шыасис Көсьтө.

Тайө кывъяссьыс менам сэтшөма топавліс сьөлөмө, чайті, потас, муртса куті

синваоc... Көcйыcьнытö көcйыcис, а эз тай лок...

Öдöття тьöt татчö менö вайöдiс, медым ю сайö, детдомö, мөдöдны, став документcö сельcöветыcь бoсьтiс и, а меным нинöм эз сет, татчö ковтöм чачаöс моз колис...

Аcьв... Тöвруыc лөньюма, весиг шондi кыйкнитлывлö. Көcьтö аcьыc челядьcö вайöдiс жö, тшöтш детдомö көcйö нуöдны. Кытчö сылы куим челядьыc. Аcлыс cейныcö нинöм...

Көcьтö ньöжйöникөн cынiс лөнь шылыд ю кузя... Ме пукалi пыж бöжас, видзöдi береглань, колляси кыз пукöд, код тöдас, гашкö, ог и аддзыcьлöй... Вöлi лөнь, но корcюрö, меным кажитчис, ичöтик кыз пу öвтö роcьяcнаc... Ме гусьöник öвтыштi сылы... И шог бoсьтiс: Öдöття тьötöй тай cидзи эз и лок...

Со ми нельöн cьöкыда вoсьлалам детдомса öдзöсьяc дорö...

– Прöйдитöй, прöйдитöй! – миянöс аддзöм бöрын дзик пыр шыacис джодж мыcькалыcь кыз бабйöй. Cийö коллялiс миянöс директор дорö. Кабинетын пукалiсны куимöн: директор да кык воспитатель. Миянöс зэв лöсьыда примитiсны, ме чайтi, менö документтöгыд оз и бoсьтны, а гөгöрвоыcь йöзыд вöлöмаöсь на...

Көcьтöлыcь челядьcö мөд группаö индiсны. Öтиыc вöлi меыcь вывтi ыджыд, а

мод кыкыс – вывті ичотось. Со муртса на паныдасим, а торъявны нин ковмис... Төдіс-ө кодкө, мый некор сэссия ог паныдасьлы ни Көсьтөкөд, ни сылөн челядьыскөд...

Директоркөд сёрнитөм бөрын ми петім коридорө. Ме пырысьтөм-пыр казялі Көсьтөлысь шог синъяссө... Сійө топыда шымыртис миянөс ставөс:

– Дитюкъяс, бура олөй. Неуна терптыштөй, регыд, регыд бөр босьта... терптыштөй...

Ми коллялім Көсьтөөс калитка дорөдз... Көсьтөөс ме төда модөд лун, а кажитчис, быттьөкө нэмсө сыкөд вөлім төдсаөсь...

Марина Михайловна – менам группа-са воспитатель – нуөдіс менө нывъяслөн комнатаө. Комнатаыс вөлі ичөт, но зэв югыд, стенъясыс белитөмаөсь. Некод эз вөв. Марина Михайловна индіс меным койкасө стен дорын. Ставыс вөлі квайт койка... Ме шыбиті ассыым нопйөс, и ми мунім велөдчан классө...

– Видза оланныд, витөд класс! Извинитөй, Надежда Петровна. Көсья төдмөдны тиянөс выль велөдчыськөд. Тайө Лида.

– Лида, пуксыы нывъяс дорө, а сэссия бөрнас аддзам тэныд места, – мелі гөлөсөн шыясис велөдысь. Перемена вылын мод классысь пыртисны нөшта өти пызан,

классын вöлі нелямын вит морт, ме – не-
лямын квайтöд. Менсьым партаöс сув-
тöдiсны öшинь дорö. Эг дыр и пукав öтнам.
Лун кык мысти воис нöшта öти нывка –
Маша, сiйöс пуксьöдiсны ме дорö.

Велöдчыны кажитчис, небөгъяс вöлины
сöмын велöдысьлөн. Медся ёна кажитчис
лыддысян урок, кор Надежда Петровна
аслас мелi гөлөсөн лыддис ыли му йылысь,
тöдмöдiс тöдчана йöзкөд.

Лунъясыс лэбисны... Выль оланiн,
выль йöз, ёртъяс... Сьöкыда, дерт, но
кызкö-мыйкö велалi детдомса олөм
дорö... Миян воспитательницаяс вöлины
зэв бурöсь. Некор эз öбидитлыны ни эз
ötдортлыны. Накажитлисны гежöда. Оз
сетны сёянтö, со кутшөм накажитöмыс.
Медся страшнöйыс сiйö кадас... Лун кеж-
лас вöли сетöны 350 грамм нянь. Кыдз
кöсьян, сiдзи и пöt... Куш лы да ку и
ветлөдлим... Но некод эз элясь, ставөн
гөгөрвоисны, кутшөм кадö олам... Быд вой
сьөлөмöй лэблис мам дорö... А вötъясын,
менам зарни вötъясын ме эг öтчыдысь
волы чужан сиктö, мам дорö, ю дорын
сулалысь кыз пу дорö... Мөвпъясын пыр
лөсьöдлi мамкөд паныдасян лун...

Со öтчыд некымын нывёрткөд мунiм
колхознöй муяс вылө, капуста кокъясла.
Кынталöма нин вöли. Рейтуз кокъясö
öктiм-сюялим. Но кыськö воис бригадир,

кутіс миянӧс, шошаӧдным вайӧдіс детдом-са директор дорӧ.

— Воровали! — яр синъясӧн уськӧдчис ми вылӧ директор. Ме медводдзаысь аддзи сійӧс татшӧм ярӧн.

— Ми? Эг. Ми босьтім, — пуксьӧм гӧлӧсӧн вочавидзи ме.

— Нет, воровали! — нӧшта на дӧзмис директор.

Сэсса джоджас кисьтӧдіс капуста кокъяссӧ да тшӧктіс став жырсӧ мыськыны. Ми сы выдӧ эг скӧралӧй. Ассыс уджсӧ вӧчӧ.

Тадзи и олі... Мыйыс сӧмын эз вӧв... Ме чайті: ми медся лёка олам. Паськӧм ни сӧян прамӧй эз вӧв... Но кор вайӧдісны челядьӧс Ленинградскӧй блокадаысь... Муртса кок йыланыс сулалӧны, няйтӧсь-ӧсь, висӧны...

— Лида, нывъяс, отсалӧй челядьсӧ мыськыны да вердыштны, — шыасис ми дорӧ Марина Михайловна.

Некор ме сэсса эг аддзыв татшӧм омӧль челядьсӧ... А кымынӧн кулісны... Найӧ миысь на омӧльӧсь, а тойыс сук... Кушӧдз ставӧс шырисны.

Нель во ме олі детдомын... А сэсса войнаыд помассис, да менӧ ас дорас босьтіс батылӧн вокыс. Ен сетӧма, да ловъя кольӧма... А сэсса недыр кад мысти и мамӧс лэдзисны. Ок, кутшӧма ме радлі... Ӧд не-

код сэсса Свет вылас матысджыкыс менам эз вөв, дона мамук кындзи...

А кыз пуёй, юдorsa кыз пуёй пыр на сулаліс ва дорын. Быдмө, ен сыкөд, кокыс эськө чукультчөма да, но быдмө...

Со 74 ар нин, а ыджыд лөглун Öдөттятьöt вылө ог кут. Сэки эськө ёна скөрмылі да... Öні вунны нин ставыс мөдөма...

Керка

Кутшөм гажа талун асывводзыс! Тувсов шондіыс муртса на со и петіс, а пельөсьясөй шоналөны нин. Шонділөн медводдза югөръясөн нимкодясьны локтөмаөсь и лэбачьяс. Ссылөны-ы! Тыдалө, оз нин көдздөдлы сэсса. Гөгөрбок турун мыччысьө...

А со и көзаяка чеччис. Мыйкө водз талун, вит часыс на абу. Медводз петалас да понъясөс лэдзас, каньясөс вердас, сэсса скөтыслы юан лөсьөдас. Талун, буракө, пөжасьыштны көсьө. Пөжасяс, дерт, внучкаыс өд карысь воис. Мөд жырыын со чөскыда узьө. Тані абу карад, гөгөр лөнь, да и чужан керкаад быдөнлы на чөскыда да крепыда узьсьывліс...

Ок, кутшөм лөсьыд кыр йылын сулавны!.. Став орча керкаыс тыдалө, юыс,

вöрыс и... Орчча керкаяс абу нин тöвся кодъ жугыльöсь. Гашкö пö, кöзяинъясным воласны на да ломтыласны пачсö, шонöдыштасны-вөрзöдыштасны позялём бокъяснымöс... Но воысь-во киссьö пыр унджык и унджык овтём керка, бырö сиктыс, яръюгид шондiлөн югөръяс улын ичöтик шор моз косьмö...

Но мыйсяма дивö? Мамыс да пöчыс идрасянинысь эз на пырны, а Анна внучканыс чеччис нин. Мукöддырйи öкмыс часöдз узьö... Водз эськö садьмас, но дыр оз сувт: оз лэдз шонид вольпасьыс. Сэссия туплясяс-туплясяс да кызкö-мыйкö сувтас жö. А талун чеччис вель öдйö, быттьö удж вылö тэрмасьö. Пасьтасис да пöчысөн сöмын на пöжалём көлöбъяс дорö котөрөн веськöдчис, мöдiс чöсмасьны чöскыдысла синъяссö куньтыралёмөн.

Мый тайö? Керка водзысь Анна пыртiс джуджыд көрöбкаяс да тэрыба пондiс тэчсьыны: öти көрöбкаö пукталiс полкаяс вылысь небөгъяс, мöдö – сервантысь стöканъяс, а сэссия и небыд чачаяссö асьыс пакетö сөвтiс. Кытчöкö мунöны али мый? Ойя дай ойя!

Со мамыс да пöчыс идрасянинысь пырисны, чайтор юыштiсны небыд көлöбөн да Анналы отсасьны пондiсны. Кытчö нö мунöны? А гашкö, прöстö бус босьтöны да? Көрöбкаясас, сiдзкö, мыйла тэчöны?

Гашкө, эновтны жырйос көсйөны? Мый нө лоө? Сэссия өд дзыкөдз колясны менө, мөдлаө вуджасны овны, карлань матөджык. Сылысь лэбач, юк мекөд норлунөс, мед сййө сылас тэнад сөстөм тувсов дзользьөмад... Регыд, гашкө, сөмын лэбачьяслөн сылөмыс да төврулөн небыдик лолыс и пондас гажөдны менө, кыдзи и мукөд овтөм керкасө...

Но-о! Код нө тайө? Кутшөм гөсьт воис? А-а-а! Тайө Матвей, пөчөлөн медыджыд пиыс. Зэв уджач морт. Отнасөн сы ыджа керка лэптис! Ой-ой, мый нө, мый нө керөны? Кытчө жырйысь пызансө нуөны? Коридорө петкөдисны. Дивансө и, креслөсө и. Ставсө. Куштісны. Ойя дай ойя! Эновтны, тыдалө, менө көсйөны. Збыль, сідзи и эм. А кымын во видзи найөс кынтысь көдзыдысь, пөжан жарысь, көдзыд зэрысь, ён бушковъясысь. А өні со эг мөд ковны, эндөдны көсйөны...

Ок, но и йөй жө ме, вөлөмкө! Оз на кольны, оз! Оз на эновтны менө көзяинъясөй! Кымын во нин сулала, а век на нинөм ог төд. Жырйос куштісны ремонт вөчөм могысь. Стенъясөс югыд чшпалерөн клеитисны, йиркөс еджыд краскаөн мавтісны, джоджөс – пемыдгөрдөн, өшиньясөс мыськалісны и. Вот и любө! Ыджыд праздник кежлө лөсьөдчөны, вөлөмкө. Выль олысьөс виччысьөны. Галина, пөчө-

лөн коймөд нылыс, пиос вайома. Медводз верос дорас олісны, а кага чужом бөрын татчө вуджны көсйоны. Ок и ыджыд да гажа праздник лоо! Став рөдвужыс чукөртчас: ыджыдыс и ичөтыс. А бура и повзылі, мися, эновтасны... Выль олөм кутысьос ме нөшта на ёнджыка мөда видзны! Дзоньталөм да мичмөдөм бөрын өні менө ни көдзыд, ни жар оз босьт! Бытьё нюжалышті весиг, джуджыдджыкөн да кыпыдджыкөн лои!

Кыла, ропкөны нин ме вылө орча керкаяс. Завидьтөны. А меным жаль найос! Регыд киссясны овтөмнысла, и делө некодлы абу. Кымын во нин кыр йылын сулала, а некыз ог гөгөрво: кызди позьө век кежлө чужан керкатө эновтны!

Вөт

Кутшөм лөсьыд лунтыр ноксьөм бөрын водны вольпасьө да кывзыны радио. Кымын мөвп унмовсьтөдз волас юрө... Ставсө думайта: кызди колис луныс, олөмыс и мый водзө зіля збыльмөдны...

Нөшта некымын здук... И со ме нин лэба енэжті. Меным сэтшөм кокни, лөсьыд. Кыкнан киөн кутчыся енэжсянь лэдзөм чорыд еджыд гезйө, коді лэбөдө

менö: то вылö, то улö – кынöмö гилялö. Татысянь, вылісянь, став муыс ки пыдöс вылын моз тыдалö: помтöм-дортöм вөръяс, туйяс, найö быттö везйöдлöмаöсь мусö, ю пöлөн тшак чукөръяс моз сулалысь сиктъяс, йöз – зіль кодзувкотъяс моз пыр мыйкö ноксьöны, гөгөр жуö-пуö олöм. Ме лэба вылö-вылö, шонділань. Стöча тöда, мый менö сэні кодкö виччысьö. Тайö сійö, кодi мыччис меным гезсö да тшöктiс кöласьны сыö, но кодi сійö? И со ме ичöt лэбач моз лэба вата кодь небыд кымөръяс косттi. Кымын вылöджык кыпала, сымын кöдзыджык меным, кöть и шонділань матысма.

Кымөръяс сайсянь тыдовтчис чужанi-нöй, муса сиктöй, гажа öшиньяса керкаöй, сійö быттö нюммунис меным, и сьölöм вылын лои сэтшöм нимкодь.

Лэба и аддза: мамö мыйкö керка дорын ноксьö. Оз вермы прöста овны мамук, пыр нин кутшöмкö удж аддзас. Час, ме здук вылö кежала сы дорö, шонид паськöм кора, ки-кокöй нин кöдзыдысла дубалис. Ме надзöник сувтi му вылö кыкнан кокөн: велалi лэбнытö да ветлынысьö сьökыд весиг. Лэдзи кийсь чорыд еджыд гезсö, ки пыдöсö клеитчöма быдөн, ёна кутчысьöм-сьыс, да мөдöдчи мамöлань. Мамлөн кийс вöли муöсь. Сöстöм ва кодь югыдлöз синъясыс мелiа видзöдисны ме вылö, лым кодь

еджыд юрсиыс тыдалыштис съод чышъян улысь.

— Мамук, мый нө вөчан?

— А со тай дзоридз пункта, мед гожом-нас горт йорыс эз куш вөв. А тэ мый гуляйтан, нырыд гөрдөдөма нин, кынмөмыд, мун пыр гортө, пөчыд чөскыд көлөб пөжаліс, ю пөсь чай.

— Ог, мамук. Ме ог эшты, лэбны колө. Сөмын лэбнысө зэв көдзыд, — төлыс сэтшөм чизыр, ки и кок өкөлейтисны.

— Часлы, — шуис мам. — Петкөда тэныд.

И журөбөн пырис гортө. Өти здук мысти сулаліс нин ме дінын да шапкаөдіс менө ичөтдырсянь медся радейтана гөна шапкаөн, а киө кышаліс вурун кепысь.

— Дыр эн ветлы, — төждысьысь гөлөсөн шуис мамук. — Да эн кынмөдчы.

Ме радпырысь довкниті юрөн да котөрти туйлань, понді корсьны енэжсянь нюжөдөм гезсө. Ме уськөдчи өтарө, мөдарө, гезйыд некытөн эз тыдав. Понді котөртны, а кытчө, ачым ог төд. Видзөда да, кодкө ме моз ветлө енэжө видзөдөмөн. Кольөма жө кө-а? Матыстчи сы дорө. Аддза мортсө и өттшөтш ог аддзы. Мыгөрыс эм, а чужөмыс руа.

— Тэ тшөтш колин? — юалі ме төдтөм мортлысь.

— Коли тай. Муртса кежлө и эновтлі

гезсө, — кыз гөлөсөн шыасис руа чужома. —
Кежавлі гортө, мамө пөжасьома да, мися,
котөрөн пырала, чөсмөдчышта туй водзын.
Петі, а гезйыд тью-тью.

— Но, сідзкө, мунам, гашкө, аддзам на
кыськө, — өлөді ме ачымөс и сійөс.

Мөдөдчим паськыд туйөд. Дыр ветлім-
шөйтім, сылі мудзтөдз пыр енэжө видзө-
дім. И со паныдасис миянлы пөч. Чужо-
мыс быттьө төдса, но ог вермы гөгөрво-
ны, коді сійө.

— Видза оланныд! — шыасис менам өрт.

— Видза оланныд, тусюкъяс!

— А ті эн аддзылөй енэжсянь лэдзөм
гез? — юалі ме.

— Оберөни господи, кутшөм гез?

— Енэжсянь, еджыд, чорыд, крепыд, —
өдйө вочавидзи ме, медым кадыс весь эз
коль.

— Енэжсянь гез. Но, но. Овліс тай миян
сиктын Маегов Пантиль, өні нин покони́к,
прөсьти бласлөви, юыштас вөлі да гез жө
енэжысь корсьө, лунтыр коньөр шөйтас...
Юөмсьыс нин, буракө, каститчө вөлі. Эз
и аддзы олөмас асьыс инсө. Мутиыс и
кыскис ваө, йөзыс шуөны, чери кыйигөн
пө вөйөма, а шойсө эз и аддзыны. Юис
эськө да, бур жө морт вөлі, ставсө кужис
мастеритны, выль керка лэптис и...

Пөч пондіс чышъян помнас чышкав-
ны синвасө. Шог мөвпъяс, тыдалө, суис-

ны сійӧс, ӧвтыштӧс ми вылӧ кинас да мыйкӧ вомгорулас броткӧдчӧмӧн ньӧжйӧник мӧдӧдчис мисянь. Ру пӧвстӧ воши...

Другысь садьми. Пемыд. Кӧдзид. Эшкынӧ усьӧма джоджӧ... Чеччи, кусӧдӧ радио, пондӧ видзӧдны ӧшиньӧ: енӧжыс вӧли сӧзь, кодзула.

Ӧнӧ нин ставӧн вежӧрсялисны...

— Но, кӧнӧ, тӧ вӧли шуан, медся чӧскыд да юмов сӧтӧрыс тайӧ сиктас?

— Да со, эсӧйӧ чӧдлач рӧма керка дорас. Сӧйӧ, тыдалӧ, зӧв нин важся, вежынӧйтчӧма весиг пӧрысьысла. А сӧтӧр кустьясыс керка гӧгӧрыс тшем, ме мӧд во нин сӧтӧнӧ чӧсмая. Дерт, паськыд вома ракаясысь да катшаясысь колӧ виччысьны-а. А то ӧтпыр муртса кувтӧдз эз кокавны. Оз радейтны найӧ вӧрысь воӧм лӧбачьястӧ: ми пӧ татӧн кӧзьяиньясыс, а тӧ вӧрсьыс сӧянтӧ корсьӧй.

— Он так, гашкӧ, мӧдлаысь, вӧрланьысь, видзӧдлам?

— Мӧдлаысь?! Пондам лӧбавны да корсьысьны этатшӧм тӧланас?! Лӧбам эстчӧ! Ӧнӧ водз на, ракаяс помӧй ведра кыйӧдӧны, гашкӧ, оз аддзывны.

— Но лӧбам, сӧдзкӧ...

* * *

— Кыш! Кыш! Аттö, сötанаяс! Кыш!

— Мый нö, Öкулина тьöt, асывсянныс пинясян?

— А, Öльöксан... мыйкö тай водз талун кытчöкö мöдöмыд?

— Да тракторөн тöрыт ытшки мамлысь важ керка инсö, а пöвъяссö эг уберит, сэтчö косаöй и жугалі. Мися, водздзык лэчча, весала местасö, колö öд помавны ытшкынысö.

— А ме тай со ракаяскöд зыкся. Юансö мöслысь муртса и кольлі, а став няньторсö нин кыскалöмаöсь.

— Он лысьт и кольны! Ме вöйдөрлун петкöдi понлы сёян, дзик чом дорас и пунктi. Буско йöвсö сöмын лакöма, а катша-ракаыс сэсся туй вылöдз кыскöмаöсь бекарсö, кос нянь крöшитлі, да ставсö пасьтала кыскалöмаöсь. Вöтла да, оз на и повны.

— Оз, нинöмысь оз повны, зырийөн уськöдчан, да муртса и лэбыштасны бокö...

* * *

— Воим. Пуксы забор бокас, со кымын öшалö.

— Ммм... И збыль, сэтшöм чöскыд! Ге-

жөда нин вөрсьыд татшөмыс шедлывлө.
А татөні со мында, сэтшөм гырысь!

– Да, а бырас кө, со орчча керка дорас
эм жө... дерт, абу татшөм юмов да гырысь,
но матын...

– Да, лөсьыд! Вөрад эськө мыйта кор-
сьысьны ковмис, а татөн эта мыйта дай
орччөн. Мед көть эськө ёртъясным татчө
оз веськавны-а!

– Найө мый, татөнөсь жө?

– Дерт, өні нин ставөн вежөрсялісны...

– Мед эськө татчө оз локны. Тэа-меа-
лы өд ёна дыр тырмас, а локтасны кө, өти
здукөн кокаласны. Ноко, эн вөр, локтө
кодкө...

* * *

– Чолөм, Клавдия Николаевна!

– Чолөм, Ольөксан!

– Мый нө, сэтөр өктанныд али мый?

– Ог, сідз тай, удж вылө мунігмоз водз-
джык петі, мися, видзөдла сэтөрөс, нылө
шуө, өктыны нин пө колө.

– Мый нө, подөн удж вылад ветлөд-
ланныд?

– Ог, велосипедөн.

– Да, миян туйясөн сөмын велосипедөн
и ветлөдлыны, и то став лысьөмтө гольө-
дас. А ылынокдь жө артмө.

– Мый нө вөчан, автобустө бырөдісны да быть ветлөдлы, подөн көть мыйөн. Он кө мун, и вөтласны удж вывсьыд. А миян сиктад, ачыд өд төдан, удж кө эм, киөн и кокөн колө кутчысьны.

– Да, сідзи.

– Сэтөрыс зэв тай уна и вөлөма. Ноко, а пытшкөсас...

* * *

– Лэбим, тэрыба, тэрыба лэбим...

* * *

– О, Господи! Тайө нин кодъяс? Муртса чужөмө эз кокыштны!

– Кутшөмкө тай зэв ыджыд лэбачьяса. Вөрса лэбачьяс кө-а? Ме некор татшөмсө эг аддзыв.

– Ме эськө аддзылі да. Колян во өтик тайө кустас жө оліс. Чайті, ылалөма, гашкө да. А таво со бара. Кыкөнөсь нин. Бара нинөм лоө өктыны. Часлы, кильчө вылын важ тюль эм да, петкөда, вевття, мед оз сөйны.

– Тюльөн? Бөтөн эськө колө да, сэтчө шедасны.

– Чөв, кысь бөтыс?

– Кыдзи кысь? Көзяиныд тай оз и кайлы вадорсьыс.

– Всё, öнi нин кыйсьыссьöма сьлөн. Вайдөрлун юигас вузалöма кутшöмкö кар- саяслы став бöтсö. Ни бöтыс, ни сьöмыс абу. Шуи жö сылы: мися, коркö локта, а керкай абу нин, вузалöмыд. Асьтö, мися, мöдысь эн вунöд вузавны, пöттöм голя.

– Гашкö, öнi и юнысö дугдас, вадорас кö оз кут ветлыны?

– Ог тöд, öдвакö. Порсьыд пö няйттö быдлаысь аддзас... Но со тай неуна вевти-а. Рытöдзыс, гашкö, оз на ставсö ко- кавны. Ладнö, варовитнытö лöсьыд, сёр- ма сэсса, муна...

– Бур туй.

* * *

– Ок, муртса эг шедöй!

– Эн пов, тайöяс нинöм оз вöчны... Ок и чöскыд сэтöрыс! Пöтiн?

– Пöтi.

– Рытнас нöшта волам. А öнi со шондiыс вывлань нин качö, нимкодя- сьыштам югөрьяснас.

* * *

– Марина, вөрöдчы. Регыд Вань дядь- ыд машинанас воас, öдйöджык лег!

– Удитам, колö ставсö босьтны.

— Да вежон мысти волам на öстатки кöлуйысла.

— Да всё нин, всё!

— Петам, сідзкө, туй вылө.

— Мыйла? Локтас да горöдас.

— Пондас сійö горзыны. Петам дай ставыс, луныс со кутшöм мича.

— Но лок петам. Мамö, со Галина Михайловна лавкаö лэччö, öнi бара пондас ставсö юасьны, сьöлöмад пырны.

— Мед, ми öд нинöм эгö гусялöй, миянлы дзевны нинöм, мед юасьö, сылы, гашкö, та вöсна оз и узьсы да.

— Видза оланныд, Анна Григорьевна!

— Видза оланныд, Галина Михайловна!

— Кытчö нин та мында кöлуйнас мöдiнныд?

— Карö.

— Карö? Сöвсем кежлö?

— Да, мый сэсся тан вöчан? Карса чой выль патера ньöбис, а важсö миянлы Маринакöд и колис.

— Но, абу и жаль эта ыджда керкатö кольны?

— А мый жаль? Сэни öд патераыс благоустроитöм, ваыд ачыс воö, оз нин ков трубаысь кыскавны, пöсь и кöдзыд, кутшöм колö. Шоныдыд кöрт трубаястi локтö и, оз ков вобыд пес заптыны, магазинад ставыс эм и.

— Сідзи эськө да. А вот керкаыд жаль. Эта дыра батыд кувтөдзыс лэптис да, сисьмас.

— Ме тай Öньö Пашлы вöзйи, мися, ов. Аслас киссьöма нин да. Ог пö тай-а. Ог тöд, гашкө, вузала. О, то тай Вань дядь-ыд локтö нин. Марина, босьт кöлуйтö.

— Но, сідзкө, бур туй!

— Став бурсö!

* * *

— Эта дыра шутьлялі да, он кыв али мый?

— Ог, узя вöлі да.

— Кывзы, ме со мый думышти: тавой рочьяс дорö оленясьнытö* пыравлам.

— Рочьяс дорö?! Йöймин?! Тэ аддзылін налысь понсö? Ньылыштас — он и казав!

— Эн пов. Ме пыравлі на ордö, шипер вöзйи, да сәкі кöзяиныс и шуис: «Ночью Рекса на веранду заводим». Увтас, а петны оз пет!

— А кысь нö тэныд шиперыс? Ассьыд ли мый вевт вывсьыд потласьöмсö кулин?

— Йöймин али мый! Эг на куль, и ог ассьым, а Анна Григорьевналысь.

— Но, он и пов?

— А мый полан?! Кывлі, карö овны

* Оленясьны — войын гусясьны.

вуджоны, керкасö эновтöны, оз и тöдлыны.

— А ме кывлі, Öньö Паш кöсйö босьтны.

— Чöв, кытчö сылы? Мед оз горшась! Ассьыс керкасö кисьтис-а. Да и мый меным Öньö Пашыд? Сййö со кыр улын олö, оз жö аддзы.

— Но и сюсь, но и сюсь! Анна Григорьевна талун на муніс, а тэ тöрыт нин сылысь шиперсö вузалін. Да, тэныд эськö карö начальникавны татшöм юрнад.

— Кытчö сэтөн? Карас нö коді менö виччысьö? Тані на оз лёка овсьы...

— Но ладнö, он кö и, войнас паныда-сям, кыз пыр.

— Да, понда виччысьны.

* * *

— Но, лэбам, сиктсö кытшовтам, рака-яслы да катшаяслы дöзмöдчыштам.

— Лок.

— Но а тайö нин мый тані вöчö? Дышöдöма нин вöрас кökнысö да татчö локтöма? Лэблам матöджык.

— Ку-ку! Ку-ку! Но, сэсся став вöрса олысьыс мöй татчö воöмаöсь?

— Ставыс али абу ставыс, ог тöд. Ми тай татөнöсь-а!

– Но, видзёда да, абу тшыгось, шедлө-
ма нин.

– Кысь тёдан?

– А эз кө шедлы, пу вылын эськё эн
пукалөй.

– Сідз, сідз... А тэ нө колькъястё вөрө
бара кодлыкё колин да, татчө жө воин?

– Вөрө? Мыйла нө вөрө. Колантор!
Ябыръяслы коймөд во нин коля. Мед ви-
дзёны, миянлы өд налы моз татшөм ола-
нінтө некод оз дасьты. А татөн зэр ни төв
оз веськав. Лэба, өти делө вөчтөм на.

– Но и мудер жө тайө көкыс! Тёда ме
сылысь вөчөмторъяссө...

– Со, видзөд, сизь!

– Сизь... Тані жө нин сизьдан... Бур,
бур...

Вөрыд өні абу вөр,
Абу важ кодь сылөн көр.
Мый и вөрыд! Со тай мортыд –
Он төд, вөрөг али ёртыд!

Юриндалысь

Луннебӧг	3
Черань вез	5
Радейтчӧм	5
Ӧшиньын серъяс	6
Зэрӧма зарниӧн	7
От	8
Юдорса ичӧтик кыз пу сунласис ваӧ.....	10
Керка	16
Вӧт	19
Ӧні нин ставӧн вежӧрсялісны	23

Юлия Нефедова. Дневник.

Редактор Елена Афанасьева

Технический редактор Николай Вахнин.

Заказ 407/2011. Тираж 200 экз.

Отпечатано с готовых оригинал-макетов в

ООО «Типография «Полиграф-Сервис»

г.Сыктывкар, ул. Ленина, 4, тел. 8(8212) 21-48-36

503



Юлия Александровна Неведова чужис 1985 воын Коми Республикаын, Емдін районса От сиктын. 2009 воё помаліс Сыктывкарса государственной университет, филология факультет. Уджалё оні Эжваса 27 номера школаын велёдысьон.

Гижодьяссё йозодліс том гижысьяслён отувья альманахъясын, «Би кинь», «Войвыв кодзув», «Арт» журналъясын.

Гижё кывбурьяс, висътыяс, очеркьяс.